

զնստ մեզ, եթէ չնորհեսցէ մեզ Տէր կեանս և կենդանութիւն, յառաջ քան զոտն Յննդեան Փրկչին մերոյ, աներկբայ լինիմք 'ի կողմանադ յայդոսիկ. յուսով եմք թէ յայնժամ խորհելով 'ի միասին, դիւրութեամբ գտանեմք զելս հնարից գործոյս: Ահա այս է ճշմարիտ կարծիքն մեր, և եթէ հաճոյ թուեսցի ձեզ՝ պատասխանեցէք փութով 'ի ձեռն Փոխանորդին մերոյ: Ազաչեսցուք զկատուած զի տացէ բարի վախճան գործոյս, և առաջնորդեսցէ 'ի բարին՝ ըստ մեր յուսոյ և խորհրդոյ: Օրհնութեամբ ողջունեմք զսիրելի բարեկամն մեր զմահտեսի Սեղբոսն, նոյնպէս և զպատուարժան միաբանութիւնս ձեր: Մնամ սիրեցեալ ձեզ 'ի Բրիստոս:

1728 Նոյեմբեր 8.

'ի Պատրիարք:

Երուսաղէմի Պատրիարք

Խրիստոս:

'ի Հասանիլ թղթոյս 'ի Կոստանդինուպօլիս առ Յովհաննէս Պատրիարք, գրեաց և ինքն հանդոյն սմին թուղթ, և ետ ցնոյնս առաքել յԵրուսաղէմ: Իրեւ դարձաւ Պատրիարքն Յունաց 'ի քաղաքն կայսերանիստ, մատուցին 'ի Դուռն զթուղթն, զոր պատրաստեալ էին յառաջագոյն. եւ 'ի զգացուցանել զայն Արքային Աճմետայ, հաճեցաւ՝ մանաւանդ թէ զարմացաւ իսկ ընդ այնպիսի անակնունելի միաբանութիւնս երկուց ազգաց. և հրամանաւ նորին գրեցաւ հրովարտակ՝ ըստ մտաց աղերսագրոյն, յորում պատուիրէր առ ամենայն դատաւորս և գործավարս Երուսաղէմի, արթնութեամբ եւ զգուշութեամբ 'ի գլուխ տանել զհրաման Արքային: Կարգեցին նաեւ ոստիկան և վերատեսուչ գործոյս՝ զայրն հաւատարիմ Իպրահիմ Աղա. գրեաց նաեւ վասն այսր խնդրոյ գիր հրամանի, (Պուրուլի) նա ինքն Վէզիրն մեծ Իպրահիմ Փաշա, և յանձն արարեալ 'ի ձեռս ոստիկանին, առաքեցին յԵրուսաղէմ: Եւ նորա ճանապարհ արարեալ եհաս անդ 'ի 16 ամեանն Մարտի, և մտաոյց զգրեանս դատաւորի քաղաքին, և նա կոչեաց զՓոխանորդն Յունաց զՄեկեթիոս, և զՓոխանորդն Հայոց Հաննա կամ Յովհաննէս եպիսկոպոս, և ետ ընթեռնուլ առաջի նոցա զհրովարտակն Արքայի, և զգիր մեծի